

山右石刻叢編

山右石刻叢編卷八

魏文侯段干木廟銘 并序 朝議郎行陝州靈寶縣令趙彤書

唐

段干木廟銘

石高一尺四寸廣二尺二寸四分二十
六行行十七字正書左行今在芮城縣

魏文侯段干木廟銘

并序

將仕郎前守河南府伊陽縣主簿盧士牟撰

朝議郎行陝州靈寶縣令趙彤書

□之芮東有祠署於道曰魏文侯師段干木廟謹按春秋後
語文侯過其□未嘗□式呂覽云秦攻魏司馬康以先□□
諫其君又按圖經先生於原上草□中高枕□卧秦遂□兵
昔子貢救魯挾辯詐□危亡然後□而獲免豈若先生靡勞

師徒曠然晏息□國不加害臣受其□誠以德充氣融道義
□備□也貞元元年秋八月范陽盧士牟載想遐蹤願□遺
廟銘曰

鼎湖在南中條在北洪河恆流以紀□□地淋靈山澤粹
精惟公克生為魏之楨隣不加兵臣用紆紵秦□虎狼殺厲
重傷毒螫斷斷侵軼西疆瞻我仁人沛然知方以義易□以
柔易剛善師不陳古□至德先生晏然婆娑偃息蓬居草廬
是敬是式地彼干戈俄成禮則士之生廿人爵為貴功成不
居惟德之□士之避廿或蹈遐□公則靖民以義為利我行
其野祠宇巋然衽詠仁風□誠□傳□山如屬河水如帶先
生之德永□不□

貞元元年八月七□□

承議郎行□州芮城縣令崔□

丞李□

主簿□□

尉□言

□□敦□

試尉王□

按水經注河水自河北城南東逕芮城二城之中有段干木冢干木晉之賢人也魏文侯過其門式其廬所謂德尊萬古芳越來今矣太平寰宇記陝州芮城縣段干木墓在縣東北一十五里按史記魏文侯過干木之廬必式卒葬魏城東墳高三丈有祠存焉唐貞觀十年敕禁樵採芮城縣志唐建段干木廟碑銘在城東貞觀元年秋八月七日

將仕郎前守河南府伊陽縣主簿盧士牟撰今搨本土牟

題銜與縣志合而未作貞元元年八月七日則縣志年號

誤又縣志段干木廟一在東張村唐盧士牟撰碑銘古蹟

段干木墓在縣東北十五里今搨本多漫漶盧士牟唐書

世系表後魏幽州刺史道虔六世孫融唐祠部郎中子士

牟和州刺史

太子賓客士攻弟士攻仕貞元元和長慶元年爲瀛莫觀察使

和州上州刺

史從三品今以此觀之知士牟曾爲伊陽尉表云和州刺

史者舉終官也通志金石記趙彤芮城令又舊通志作貞

觀二年山右金石錄作興元二年皆誤今搨本趙彤陝州

靈寶縣令與通志異碑末題銜有芮城令崔

闕

則彤非芮

令可知銘云鼎湖在南中條在北按鼎湖在今閩鄉東四

十里中條山在今永濟東南十五里與芮城連閩鄉則隔

河相望矣碑見寰宇訪碑錄平津讀碑記

梁思墓志

碑從裝本錄出尺寸行數無稽今在平遙縣

大唐故上柱國梁府君墓志

并序

君諱思字恭其先安定人也昔秦仲伐西戎有功周平王東遷封少子康於夏陽梁山因而命氏其後竦因才著冀以榮稱禮樂弓裘千載不墜曾祖志成祖從政父當意並立言立德為龍為光前史詳矣君幼重儒素長好交游義及友于信誠隣里不羨榮貴以素琴濁酒為娛屬荒郊有事大國用師公奮不顧身埽清邊鄙特蒙累功加上柱國錦衣綵服宗族為榮嗚呼四時流謝易往難追優哉游哉聊以卒歲大曆十二年七月三日遘疾終於家也春秋八十有七夫人清河張

氏聞聞東德婉變宜家蓬首終年不移霜操廣德二年八月八日奄然長往公有二子伯曰崇璧次曰廣濟孝情克著追遠思深遂展靈儀旋開兆域以貞元元年歲在癸酉十月十四日卜麟鳳福慶之穴得鷄犬鳴吠之辰合葬於平遙城西北一里舊塋禮也詞曰

寒郊十月四序旋周白日朝暗黃雲暮愁蕭蕭曠野鬱起荒人世此謝泉臺路幽惟餘剝石萬古千秋

按此碑最爲鶻突梁君其先安定人始祖封於梁山何時遷於平遙碑未敘及第云舊塋則非一二世可知其立功受爵第云荒郊有事大國用師究是何事何年亦不詳敘累功加上柱國亦不知其何功也序次太略無從攷据平遙縣志云石方二尺許自墓中崩出字體似虞而略具褚

意思字恭極簡古古人一字間有之漢高字季是也思爲平遙梁氏遠祖砌之吉祥寺以爲護持寺在縣治後梁氏五路廉訪家故佛堂也

靈慶公神祠碑

碑連額高六尺三寸廣二尺四寸八分二十四行行五十字正書額題唐鹽池靈慶公神祠頌九字篆書今在運城鹽池北

大唐河東鹽池靈慶公神祠口口序

將仕郎口太常博士崔敖撰

將仕郎前試大理評事韋縱書并篆額

地絡之紀莫宗於河陰潛之功光啟于匪既略太華浸滛中條嶽漬宣精融爲巨竊肇有元命玄珪告成惟其潤下乃生島鹵鹽池之數有九七在幽朔二陂河東皇穹陰陽兆人眷

祐中土因飲食以致其味節和齊以調其心溟溟天池寔曰
鹽澤幅圓百里澄澈萬頃元極積數太鹹為鹺其墟實沉其
宿畢昂其漕砥柱其闕巔軫后祗寶之設以重險謙順成量
澗溪攸鍾涵風蓄雷終古不息湯若山外連為海門所以帝
乙建社而臨之○豹遷都而據之執其重輕以曜富有在咎
山澤委于虞衡周制無征漢方盡幹務其尊穡蓋用抑商少
府所尸均其權量群族自占築廬環之業傳祖考田有上下
旱理其畔水營其高五夫為塍塍有渠十井為溝溝有路泉
之為畦隴之為門漬以渾流灌以殊源陰陽相蒸清濯相孕
動物潛為蠢為陶工溜乎而凝莫見其朕雪野霜地積如連
山羨湯區域歸于塗潦泉貨之廣沒於齊人 皇家不

賦百三十載

（五）宗御國五十年姦口劑

（六）燿火通

鎬

嗣聖受命以兵靜之擊鼓峭洛封屍燕趙却獫狁于絕漠走昆夷于窮荒亶其

宸威風動八極調發

之費仰於有司雖田征益加而軍實不足遂收鹽鐵之筭置權酤之官以權合經以貨聚衆畫野標禁壅川為壕西龍解梁左繚安邑乃濫塲圃乃完廩倉畢其陽功以謹秋脩度土定食止於中州濟圻橫汾爰距隴阪東下京鄭而拉于宛艘連其檣輦擊其鼓終歲所入二百千萬供塞垣盡敵之賞減天下大半之租然後傳圻甸人納圻酤人有形有散以晏以祀每仲夏初吉為墀而饗之懿夫明徵厥有前誌

中宗反政崇朝而復鹹大曆窮霖巨漲而不淡誠宜命秩視彼封君

先皇帝薦靈慶以號神索氤氲而建廟拖

諸侯之法服鏘泮懸之清樂籍二郡之版六百縣圻司池故

得浮榮充結顙氣冲其德正其味粒重英以表稔花四出而呈瑞陳陳相因非秭載可能計矣貞元九年冬

天子親祀

明堂大裘而

郊孝道昇聞百蠻頓首栗

帛之賁及於鰥惲庶政惟和達于遐邇戶部尚書裴公延齡奠三壤之差□□州之賦鐵鼓之貢林鹽之饒凡晉人是輸以河中為會府遂表臧方郎中兼侍御史馮公□推其全材委以大計詔曰俞興往哉汝諧乃駐車蒲城以馭群吏分命前永樂縣丞張巨源前鄭縣丞蕭曾率屬而臨之洎十一季秋九月裴公薨今戶部侍郎蘇公弁繼之以馮公成績有聞禮任如舊度支又以前詹事府司直陸位知解縣池前大理評事韋縱知安邑池惟臧方領地官之外權惟評直守制使之成筭姦氣不作阜財有經十三年四月五日兩池官吏及

畦戶等請勒豐碑揚茲利澤感和羹之訓心遊傅氏之嚴稽
近盛之詞氣對郇瑕之邑微臣作頌式贊新宮頌曰

浩浩靈池冠于水行蒼茫太陰滌漉純精惟澤在□與時為
程禍貪而竭福儉而盈

巨唐君臨坤順軋貞冥勤其

官坎德効靈海眼通波河源伏脉千里一氣滃為廣斥雲漢
照臨□繩下直曰雨曰風以凝以積自我天庠惟其□食斯
皇

元后乃聖乃神既潔浮沉亦修明裡大禮畢舉

大樂畢陳馮公負來克諧神人登牲廟壙塵幣池瀨既醉既
飽馮公則欣蕭張行優陸韋德隣有署有屬伊馮之賓仰彼

⑤造垂於無垠

皇運天長頌聲日新

貞元十三年歲次丁丑八月甲寅廿日癸酉建

按碑潛研堂金石跋尾授堂金石跋金石萃編皆著錄金

石跋尾引新唐書叛臣傳大厯中淫雨壞河中鹽池韓滉
判度支妄言池生瑞鹽代宗疑不然命蔣鎮按視鎮內欲
結滉奏置祠號曰寶應靈慶地理志安邑縣有鹽池與解
爲兩池大厯十二年生乳鹽賜名寶應靈慶池以傳及此
碑證之則志作慶靈誤授堂金石跋碑記爲太常博士崔
敖撰大理評事韋縱書新書宰相世系表崔氏清河小房
有敖韋氏彭城公房有縱左金吾兵曹參軍今碑所署卽
其人金石萃編鹽池靈慶公祠在山西解州安邑縣山西
通志唐大厯十二年建十三年賜號曰寶應靈慶神曰靈
慶公貞元十三年修今据碑陰有舊宮庫僻在幽阻是用
還置於斯則是遷建但未詳舊址所在舊唐書韓滉傳大
厯十二年秋霖雨害稼卽碑所謂大厯窮霖巨漲而不淡

碑云臬之爲畦醜之爲門又云兩池官吏及畦戶等請立
豐碑河東鹽法有畦地畦戶其名始此碑自撰書人及碑
陰屬官惟蘇弁兩唐書有傳弁傳字元容京兆武功人裴
延齡卒德宗聞其才授度支郎中副知度支事遷戶部侍
郎判度支按今安邑縣運城志池神廟在池北臥雲岡唐
大厯間號爲靈慶公宋崇甯四年封東池神爲資寶公西
池神爲惠康公大觀二年進爲王元至元十二年賜廟號
曰宏濟大德三年加神號爲廣濟爲永澤明洪武初正號
爲鹽池之神萬厯十九年重修改爲東西池神合祀於中

國朝巡鹽御史碩色題請加號

欽定昭惠裕阜

鹽池之神春秋致祭又按諸書徵引有未盡者舊唐書代
宗紀大厯十二年十月丁亥戶部侍郎判度支韓滉言解

縣兩池生瑞鹽乃置祠

與山西舊通志建祠年合

號寶應靈慶池不止

見於傳志金石跋尾舊唐書德宗紀貞元十二年九月戶部尙書判度支裴延齡卒碑云十一年秋九月薨碑爲鹽池官吏所建宜不誤今按碑云裴公薨今戶部侍郎蘇公弁繼之是延齡之薨弁卽代之中無判度支者舊唐書德宗紀貞元十三年二月乙亥度支郎中蘇弁爲戶部侍郎判度支如延齡十一年已卒則判度支闕命不應閱一年之久疑碑文本二字偶脫一畫耳授堂金石跋又謂据碑延齡貞元八年爲戶部侍郎至九年已歷尙書史於轉官失紀按舊德宗紀貞元十二年三月乙巳戶部侍郎裴延齡爲戶部尙書與碑貞元九年戶部尙書裴公云者不合舊紀月日確鑿可據不得誤碑蓋據所終官稱之通鑑貞

元十年十一月壬申陸贄上書陳裴延齡姦詐翰苑集論
延齡姦蠹書內稱戶部侍郎裴延齡此延齡九年未遷戶
尙之證史不誤授堂金石跋引舊唐書食貨志自天寶末
兵興河北鹽法羈縻而已按志所言河北鹽法羈縻者指
謂安史亂後河北三鎮非謂河東新食貨志貞元四年後
河中兩池鹽每斗爲錢三百七十兩池鹽利歲收百五十
餘萬緡蓋唐自天寶亂後正資榷解池之鹽碑文可證河北
鹽法羈縻者三鎮碑云終歲所入二百千萬與志所列數
不同食貨志云解縣主以郎官其佐貳皆御史今按萃編
碑陰銜名次蘇弁者爲職方郎中侍御史馮興佐貳則縣
令評事主簿尉參軍丞皆有之無御史或食貨志所云系
元和後制碑文華贍宏麗直步燕許然韓滉奏瑞鹽當時

固以欺飾爲之而碑又頌之以實其僞授堂金石跋譏之
是也又按蘇弁貞元十四年五月丙午罷判度支閏月甲
子貶汀州司戶見舊紀碑立十三年七月正弁判度支時
碑文自少府所尸均其權量下載解池鹽田極詳其云皇
家不賦百三十載者證以萃編所引舊食貨志姜師度事
未爲至確新食貨志天寶至德間鹽每斗十錢又云兩池歲得鹽萬斛以供京師此皆天寶以前權鹽之證頌文多諛新食貨志第五琦爲諸州權鹽鐵使盡權天
於此可見下鹽斗加百錢碑云收鹽鐵算置權酤官者卽指此然則
唐始非不權鹽而用度資鹽大收其利則在安史亂後碑
志互證可得其詳碑見金石錄寶刻類編金石錄補續跋
金石廣例平津館讀碑記寰宇訪碑錄通志金石記碑此
爲頌陰爲記頌刻於貞元十三年八月廿日記刻於貞元
十三年二月二日是記先刻矣然記內已言有崔君之頌

恐其頌或有闕乃命山客重記於碑陰又似記爲後出者而先刻何也今先頌後記以碑爲主焉

靈慶公神堂碑陰記

高廣與碑同三層書上記二十九行行十八字中下皆人名中七行下十四行行字不等正書

靈慶公神堂碑陰記

五老山人劉宇撰并書

天作崇極神將宅焉神者何靈化之真宰者也夫神之俶落寔曰監宗閭闔禱之不在祀典

先皇朝有元老韓公滉之忽邦賦以大軼之功康濟是博上以宗廟之贊下以代田野之租昇聞于天請加禮

秩帝曰可於是冊爲靈慶公俎豆之數視於淮濟享謁之期載在口府及故東都留守禮部尚書崔公縱頃知河中院以神之舊宮僻在幽阻既崇其禮宜敞廉居是用遷置于斯

乃飭殿堂開像設面齋淪之積水跨遷迤之重崗陰陰森森容衛畢備列卒走辟儼然如生雖水府靈居未之若也今職方郎中兼侍御史馮公興纂其是職推致信讓無小無大報之以德頃以天久不雨草木無輝農夫愁怨慮失其歲職方於是齋心累辰親執牲帛將至誠之德告靈化之源嘗不崇朝而雨斯足如是者數四是則人有德於神神亦有德於人德交歸焉政是用長宜其建石表異徵文紀靈是以有太常博士崔君之頌也逮夫石自他山而至文自奉常而來知解縣池詹事府司直陸位事以道自集商以仁自來知安邑池大理評事韋縱財以清自豐吏口明白肅此二君者以為職方之精意可達於明神如之何不奉矣乃相與就其磨礱覆以棟宇自朔及望揭焉而舉洪範曰潤下作鹹夫敘讚靈慶

公陰潛之功亦所以表

聖皇澤及於萬姓者也恐其

頌或有關乃命山客重記於碑陰

貞元十三年二月二日記

按碑陰亦見萃編瑞璽事見前又云故東都留守崔公縱
頃知河中院舊唐書德宗紀貞元二年九月戊戌吏部侍
郎崔縱檢校禮部尚書東都留守東都畿唐鄧汝防禦觀
察使

陸宣公集有崔縱東都留守制

建中三年八月甲戌大理少卿崔縱

爲汴西水運鹽鐵使知河中院當在是月前又云今職方

郎中兼侍御史馮公興纂其是職見下題名詹事府司直

陸位新書唐世系表無而陸景獻諸孫皆人旁韓昌黎集

有與祠部陸僊員外書位必其族記文題五老山人劉宇

撰太平寰宇記蒲州永樂縣五老山在縣東北一十三里

堯升首山觀河渚有五老人飛爲流星上入昴因號其山爲五老山與碑題五老山合

戶部侍郎判度支蘇弁

專知度支河中院朝散大夫檢校尚書職方郎中兼侍御史上柱國賜緋魚袋馮興

專知度支解縣池宣義郎前守絳州龍門縣令賜緋魚袋楊
寢

專知度支安邑池將仕郎前試大理評事韋紱

度支河中院巡官奉義郎前京兆府昭應縣主簿班遇

度支河中院巡官宣義郎前行寧州下封縣尉崔震

兩池都巡檢官宣德郎前行同州郃陽縣尉楊勣興以上列

監口勘會官將仕郎前守絳州萬泉縣主簿崔季常

方集勘會官儒林郎前行晉州神山縣尉崔士衡

監宗勘會官朝散郎前行廬州舒城縣尉張佑

東郭勘會官宣德郎前行寧州司田叅軍賈公幹

方集場官朝請郎前行左衛兵曹叅軍李文質

常滿場官朝議郎前行秘書省校書郎元昭慶

監北場官文林郎前行邛州大邑縣丞韓俤

青鼻場官朝議郎前行杭州司土叅軍李廣成

監宗監官朝議郎前行監賜紫金魚袋楊日新

分雲場官將仕郎前行守絳州稷山縣主簿高峯

柳谷檢閱官承務郎試左領軍衛兵曹叅軍韋馮

紫泉場官宣義郎前行河中府猗氏縣尉韋厚正

下封場官儒林郎試右威衛兵曹叅軍柳翊

資國場官將仕郎試率更寺主簿崔阡

以上次列

令蘇之純尉畢大純戊寅季冬望日同謁祠下

此段左行

鹽池神廟新碑既立因覲有唐昔勒豐碑偃側甚危懼其傾仆斯為可惜迺樹立於廟庭之右姑以紀其歲月焉

大元至元二十七年八月二十日

解鹽司判官郭榮

解鹽司副使亢澤

按新唐書宰相世系表柳氏有翊膳部員外郎翊戶部侍郎儒孫當卽此碑柳翊唐度支鹽池官屬史不詳以此碑考之則判度支下有專知度支河中院解縣池安邑池各一人度支河中院巡官二人兩池都巡檢官一人鹽口方集鹽宗東郭勘會官各一人方集常滿鹽北青鼻分雲紫

泉下封資國場官各一人鹽宗監官柳谷檢閱官各一人
按唐書僅載紫泉一監乾元元年置當据補今拓本有華
州下封縣尉崔震金石萃編同按唐書地理志華州有下
邽縣下封系下邽之訛今運城志元時有八場凡祕書省
校書郎各衛兵曹參軍併縣尉主簿皆得與選志誤以唐
爲元蓋因此碑爲元至元二十七年重樹故有此誤所云
校書郎諸官皆此碑諸人結銜碑末有云鹽池神廟新碑
旣立觀唐碑偃側甚危懼其傾仆斯爲可惜乃樹立於廟
庭之右有解鹽司判官郭榮解鹽司副使亢澤皆見至元
二十七年八月十五日解鹽司新修鹽池神廟碑碑立至
元二十七年八月二十日

王卓碑

碑高七尺一寸廣二尺九寸一分二十
五行行五十六字正書今在臨晉縣

追樹十八代祖晉司空河東太守猗氏侯太原王公神道碑
并序

裴孫號州刺史顏撰

華州刺史袁滋篆額

□□□□□
韋縱書

始祖無名 道之出也曾孫有國周之宗也夫國有開必先

粵若后稷播種蒸人乃粒周之先也積仁成德積德成聖以

至文王周公與天地合德乃繼為家聖焉周禮周易與日月

俱懸允著為家法焉開國德澤之源流為國制度之本末俾

百世不易萬方日用豈止三十代中八百年內而已厥後子

孫因王顯姓始自四十一代祖周平王孫赤其父泄未立而

卒平王崩赤當嗣為後父桓王林廢而自立用赤為大夫及

莊王不明赤遂奔晉晉用為并州牧自赤至龜八代代牧并

州龜生喬至文釗十六代通前八代代襲封晉陽侯文釗生

叔儁叔儁生伯明伯明生屯屯河東太守征西大將軍屯生

卓卓字世威歷魏晉為河東太守遷司空封猗氏侯夫人河

東裴氏父仲賢任雍州牧卓翁年七十九薨於河東時屬劉

聰石勒亂太原晉陽不遂歸葬葬河東猗氏縣焉隋析猗氏

為桑泉縣今司空塚墓在縣東南解古城西二里至今子孫

族焉鄉也亦猶潤州上元縣有琅邪鄉後魏定氏

族僉以太原王為天下首姓故古今時諺有鼎蓋之名蓋謂

蓋海內甲族著姓也我卓翁葵河東生孫成族間生將相

而太原之望獨不鼎蓋河東著姓乎況本枝奔葉金輝玉映

洪源長派碧池清漣襲官婚者戚屬兼之澄而為止水絕資

陸者徭稅不暇漫而為眾流錄軍府而耳順方免負終身之

恥戍磧石而萬里交鎮有次死之苦更接二京之庭驅出九

流之外蓋魏地狹隘迫而使之然也開元中左丞相張公說

越認范陽封燕國公大唐初左相縉叔越認琅邪封齊國公

且河東王承太原顯望久矣一旦為縉叔齊公沒之而望平

沉也如燕齊兩公皆明世大賢社稷重器尚尔為也况中智

已下薄俗者乎又見近代太原房諸稱顯姓之祖始自周靈

王太子晉琅邪房諸亦云太子晉後且晉平公聞周太子生

而異使師曠朝周見太子太子年方十五曠謂太子色赤太

子謂曠曰吾後三年上真帝果十八而仙得不謂元精下

降全真上真則知季未十五已是神仙矣豈於三年之中而

始同凡有嗣息邪是

各為修

譜者務神奇祖先

競稱太子晉

後不其妄歟凡稱太原王

者無非周平王之孫赤之後前已

詳之明矣桑泉房隋奉朝請善翁善之子

明子翁官至開府

儀同三司車騎將軍河北道大摠管見隋書

墓今有碑僧曇

延有奇表身長八尺見高僧傳蒲州桑泉人也或有延公讚

曰德與天全身居佛

半

桑泉房

幽

州都督

玄珪

翁廣州都督

方

平翁皆威德

光時左

補

闕智明伯戶部員外郎岳靈封猗

氏房右丞維叔左相縉封俱偉文曜世或有

上縉

叔詩曰朝

廷左相

筆天下右丞

詩人謂

戲言

時稱

定論

虞

鄉房安

西北

庭二節度正見叔武德冠時如入仕

朝廷

百

舍或一出官

州邑十室二三通文武舉選僅

不比

屋有

以見

我卓翁積

德積仁

垂不已

之慶流于無窮也然因官婚或棄鄉族迷失

宗望亦往往而在晉司徒昶翁誠宗人曰若結婚姻如暴資

無識

張富不仁慎勿為也又

誠曰勿三代不仕不學不看客

失婚無譜不葬無墳墓不修仁若是

惡

事三代皆淪小人也

戎之慎之孱孫顏

由進士官歷

臺省除

洛陽令

移典

杭州入

大理少卿拜

御史中丞

出彌州刺史常歎

大道久隱澆醜

時極今於正經揭道字為志於子史揭道字為翼城

五十卷

行於代

建軒轅黃帝鑄鼎原

碑銘聞於朝卓翁塚墓古有碑

廟直下宗子四縣離居每季用

正月

七日一合來

祭千戈動

來廢

至今日

時方開

泰冀得復

行鳴呼魏之風俗儉不中禮

周之

子孫日失其序顏實永痛力建豐碑有四義焉一歸流

遁者之心二

正

迷宗者之望三

伏旌垂慶之

德四永銘儲祉

之仁銘曰

太原一宗晉代三

公薨

時世故葬此河東孫謀克著祖慶所

鍾顯魂凜凜遺塚崇崇

唐貞元十七年□歲在辛巳十月□□朔二十日己□建

按碑題裔孫虢州刺史顏撰華州刺史袁滋篆額闕韋縱

書唐會要

諸司諸色本錢上

有貞元十二年御史中丞王顏奏簡

勘足數此碑亦云顏由大理少卿拜御史中丞與唐會要

合知卽其人舊唐書袁滋傳拜尚書右丞出爲華州刺史

徵拜金吾衛大將軍紀貞元十六年二月壬子尚書右丞

袁滋爲華州刺史

昌黎集

袁氏先廟碑公自侍御史歷工部

員外郎祠部郎中諫議大夫尚書右丞華州刺史金吾大

將軍由卑而鉅莫不官稱注貞元二十一年三月徵拜以

楊於陵代爲華州縱見宰相世系表又見鹽池靈慶公碑

碑云王卓字世盛歷魏晉爲河東太守遷司空封猗氏侯

後漢書順帝紀陽嘉三年十一月乙巳光祿勳河東王卓

爲司空永和二年二月乙卯卓薨

章懷太子注王卓字仲遼河東解人

與此

碑晉王卓不合碑云隋析猗氏爲桑泉隋書地理志河東

郡統縣十桑泉開皇十六年置太平寰宇記蒲州臨晉縣

本漢解縣地按隋開皇十六年分猗氏縣於今理置桑泉

縣因縣東桑泉故城以爲名天寶十二年改爲臨晉碑云

桑泉房幽州都督元珪廣州都督方平皆可爲考唐史之

助碑又云戶部員外郎岳靈金石萃編郎官石柱題名戶

部員外郎王岳靈與此碑合在李麟前一人其曰猗氏房

右丞維左相縉卽王維王縉並有傳

王縉兄弟河中人以碑考之則河中猗氏

也其曰虞鄉房安西北庭二節度正見者新唐書康居傳

砮葉城天寶七載北庭節度使王正見伐安西毀之卽其人碑末云顏由進士除洛陽令大理少卿拜御史中丞號州刺史可得顏之仕履

龍泉記

碑連額高三尺四寸廣一尺六寸十九行行二十九字額題龍泉之記四字均正書今在芮城縣

廣仁寺龍泉記

鄉貢進士張鑄述

河東裴少微書

致□不根於惠則無功導□□自其源必復絕敦本善利以濟物為心者雖涓溜蒙泉必務宣達使之□衍而有益於人也然而績有小大事有分限推而貫之則浚川疏河與□渠降雨為一指也自微可以觀著由細可以跡大者其唯龍泉

乎泓□數寸之源滛曳如綫之派邑大夫

于公願而言

曰水之積也不厚固不□以流長吏之志也必勤此亦可以
及物於是開夫墳塋廣夫濶濬緣□尺之坳致湛濬之勢周
迴心百三十有二步淺添□之而盡江湖勝賞□□菰蒲殖
焉魚鱉生焉古木駢羅曲嶼映帶前瞻荆岳却背條嶺全□
故崢嶸嶸左右是足以蓋邑中之遊選矣傍建祠宇亦既增
飾意者□□於泉泉主於神能禦旱災適合祀典其東南醴
為通渠廣深幾尺脉□支引自田徂里雖不足以救七年之
患然亦於此見百里之澤昔西門□號為能吏以鄴田之厯
有漳水之便而不知引以浸灌寧復見幾於潛虛□□乎夫
長巨者孜孜勤恤之謂仁隨時興利之謂智 吾大夫則
然小□有益知無不為由智及仁因利示勸君子謂

于公其養民也惠矣夫□有淺而思深者懼後之不知故書不然天下多決洩導注極無窮之用者春秋微顯闡幽之義存焉爾時

順宗傳位之明年涼風至旬有五日記

河東裴勣書額

元和戊子歲月在高蔡十日書

按通志金石記引平津讀碑記鄉貢進士張鑄述河東裴少微書末題順宗傳位之明年涼風至旬有五日記河東裴勣書額下又題元和戊子歲月在高蔡十日書則張鑄撰此記在元和元年裴少微書此記又在元和三年也今按碑云邑大夫于公醺龍泉爲通渠自田徂里雖不足以救七年之患然亦於此見百里之澤是引龍泉溉田自于

公始水經注永樂澗水南流經河北縣故城西故魏國城
內有龍泉南流出城又南斷而不流太平寰宇記陝州芮
城縣龍泉水在縣北七里源闊五尺深一尺金史地理志
縣有龍泉芮城縣志龍泉溉龍泉村田按唐書地理志凡
州刺史縣令疏水醴渠興灌溉之利者必備志之芮城唐
屬陝州新志於陝下志武德元年長孫操所開之廣濟渠
而餘縣皆未詳水利此碑於開淤醴渠言之至詳匪特考
晉乘者所宜知抑亦唐志所宜補也醴渠之縣令于公以
記未列其名縣志竟亦從佚惜哉碑見寰宇訪碑錄平津
讀碑記通志金石記

楞伽寺碑

碑高三尺四寸七分廣一尺三寸七分十六行
行三十五字正書今在壽陽縣東北大樂山

壽陽縣大樂山重修古楞伽寺碑記

楞伽寺自古有之元和中僧道明遂見此寺破壞衆人所請
為國崇修及諸功德并造神碑一所以記之切維 大唐之
治天下也紹堯舜之風重釋迦之教 皇風被於萬國佛法
垂於一年其有敬之者福生修之者果滿何以知其由也覽
異記云周昭王表瑞之年至聖降生西域漢明帝啓帝之歲
法海東流道明所恨生逢於佛後沉淪於苦□錫巡於五臺
清涼聖境朝禮靈龕之處神光百變夜覩苑煌之聖火燄千
燈雖不見大真身願沐慈光從茲有願晏坐林間得邑中信
士王龍張毗等於曆八之歲禮請畱住此山乃登毗雲林俯
瞰幽谷固侈奇狀殊異衆峯其山也礪礪磅礴接五嶽之兩
崇崩巖嶺巒倚九天之一柱朝叅暮禮了達善緣是以理與

心明素非仁智之流豈能皈向如來而重修此寺哉寺名古
楞伽者金園界畔而明也東至峯神廟西至礮石山南臨上
馬平北扼默峪澗此寺之四至也發金之地猶徧以廣其規
斬崔嵬之山砌石為堦旬日乃成然以櫟架長空屋成平地
豐軒廊以□意壘層披以巖峩丹柱煥施兮光映朝霞寺靈
清極兮晶含夜月四眾回向三縣歸依敬礼三世諸佛及諸
功德尊堂法等蓋法無生滅位列上人自屋自居此山此向
俗年八十有七成斯功德以彰不朽之名所有造碑功德宜
勒於石上祝

聖壽遐昌唐王永久握乾風以鞏萬邦來驛貢以朝萬國仙
鶴神山永鎮無疆故記

大唐元和六年歲次辛卯六月甲子朔太原府壽陽縣大

樂山古楞伽寺住持道□立

按通志金石記碑見金石文鈔標題大樂山重修古楞伽寺碑記文記寺界至云東至峯神廟西至磧石山南臨上馬平北據默峪澗與大樂山皆古地名之有資志乘者以壽陽縣志考之大樂山在縣東北四十里有古楞伽寺山有石壁高數丈闊數十丈小石贅成勢甚陡直上寺半坐其顛下寺緊貼壁根與碑云斬崔嵬之山砌石爲階者相合又縣志水草山一名曹石山大樂山西之最高峯

在縣東北

四十

里 卽碑之磧石山又志稱楞伽寺在縣東大樂山有唐

元和六年重修古楞伽寺碑記龔志作太平村誤在太平村者乃古峯寺按今通志稱碑在縣東太平村當系沿龔

志而誤

乾隆三十四年壽陽知縣龔導江所修縣志新縣志謂之龔志

碑首言楞伽寺自

古有之而不言創於何代今縣志亦闕創寺年通志本楞伽作稜伽亦當以碑爲正碑敘僧道明修寺顛末甚備住持道闕立碑碑見通志金石記

裴耀卿碑

碑高六尺七寸八分廣三尺二分二十七行行六十八字分書今在稷山縣仁義村

唐故侍中尚書右僕射贈司空文獻公裴公神道碑銘

并序

正議大夫行尚書兵部侍郎上柱國高陽縣開國子賜紫金魚袋許孟容撰

銀青光祿大夫行尚書工部侍郎上柱國長洲縣開國男歸登書并篆

地配天而萬有生息賢合聖而百常順序

巨唐

六葉明皇帝登寶位之廿一祀得師友臣侍中文獻公而口

階益□鏡照益清陳力□□推□昭□□□□□□□耀
卿字子渙河東聞喜人也伯益裔孫非子周封於秦至桓公
少子鍼去國食菜於晉其邑曰邽遂為氏焉自鍼至五代祖
廿四葉昭義振□重休□□□□□□□□□□景仕
周舉秀才富平縣令大王父正隋豐州司馬蘇州大總管府
贊治王父春 皇朝舉秀才授許州司戶登 明庭高科遷
□□郎□□□考守真□□□□□□□□□□封尉太
常博士詳正學士夏官員外成寧二州刺史贈戶部尚書公
即尚書府君第三子也初河東夫人之夢熊羆神靈□□□
□□□□□□□□□□□□□□□□第聖曆中
書判入等補麟臺正字未幾丁尚書府君憂荼蓼之毀禮不
能節服除調集以太夫人有羸老之疾乞閑官□□□□□

□□□□□□□□□□□□□□翰案轉國子主簿

詹府丞太夫人捐館莫□溢米哀隣減性制終除河南府士

曹參軍 睿宗以嘗列官寮加朝散□□□□□□

□□□□□□□□□□□□□□時謂涵雅不雜而

繩墨誠陳也亟轉兵部郎中長安縣令 轂下塗多事外

利弊相習名迫利誤堅貞鮮遂公更張其□□□□□□

□□□□□□□□□□□□□□月政稱神明時宰有

銜初醜正者出濟州刺史象換宣冀二州清明愷梯三郡一

致物皆饒阜人不忍欺而濟陽信都彫□□□□□□

□□□□□□□□□□□□□□除左庶子仍領崇文館

事疾閒復拜戶部侍郎尋遷京兆尹 上曰神都有九

歸會豈辨吏宜處風化取則付之於卿公下車而近□□□

明皇帝嘉詔任之適每前席以聽分□□□□

上徵救

人之術公遂陳王者損上益下宅土中關內之利因奏鼎新
漕運以廣儲廩置河□三門□崖集津含□□□□□□□
□□□□□□□□有陳陳之積中都有不涸之饋功齊
神化利及億兆逋負之徒征徭之甿追琢貞珉歌謠仁智今
存于道在

青光祿大夫又以千畝五推之禮加金紫光祿大夫中書令
張九齡奏請和鑑鑄錢公以為

山名志卷之六
詔下流龍仍杖六十公以為郡守當父母百城鞭笞實損愛敬以流代死

聖朝之寬典也殘毀

河西隴右兩道節度公密疏曰嘉運長於
趨悍勁勇闕於沉深計慮矜功侮敵恐未百全後果喪師失
律大起邊患三者皆悉
藻木衡之動由其極齋
溥博幾微
用有藏晦中無磷淄推功與能癘惡閑違皆所以載編簡而
成乎表式洽人聞而播
右僕射 上嘗命畫工寫貞圖于凌煙閣 手制
日所謂傳神國之故事自武德至是宰輔一百八十七人登
丞相左右揆其一其

□□□盈□若虛貴而佳卑衣無華綵食不珍異正考父之
益恭晏平仲之矯時遽瑗之暮夜匪懈孫_①之衣衾不飾取
類前志我無媿心□□□□□□□□□□□□□□□□
□文章著蔡俱與公結金石之契□□□律之□王忘味走
為牙期也濟川中止孰主大鑑難老不錫曷云輔善以天寶
三載七月十八□□□□□□□□□□□□□□□□□□
□明皇□震悼罷朝贈太子太傅謚曰文獻以其年十月歸
葬絳州稷山縣姑射山之陽尚書府君塋東四里有子八人
遂泛沍綜延□□□□□□□□□□□□□□□□□□□□
□□□漢數□□□豈德祖同歟綜臯竅知名綜官至吏部
郎中臯官至給事中□中子吏部侍郎佶京兆少尹武給事
中子諫議□□□□□□□□□□□□□□□□□□□□□□

匏口聞之益於口詞推麗則之雄由不及道嘗踐門闢功德
儀刑將垂芳於不朽發揮鑽仰孰授簡之當仁銘曰

日月貞明洪鈞造物股肱匡載玄化陰陽於赫

明皇追蹤昔王聿求仁哲俾闡昭光文獻膺時慶霄來翔四
靈口口口口口口口口口口口口口口口口口口口口世
風流慶存翼子貽孫江海華藻圭璋友昆靈源之上姑射之
下宰府兆域人曹松檟照燭葳蕤崢嶸豐碑絳口口地馨稷

下

元和七年十一月十七日建立

將仕郎守恒王府參軍姜潛模勒并刻字

按碑題正議大夫行尚書兵部侍郎上柱國高陽縣開國

子賜紫金魚袋許孟容撰銀青光祿大夫行尚書工部侍

郎上柱國長洲縣開國男歸登書舊唐書許孟容傳字公
範京兆長安人少以文詞知名舉進士甲科授秘書省校
書郎貞元初四遷侍御史爲濠州刺史徵爲禮部員外郎
遷本曹郎中十四年轉兵部郎中遷給事中十九年改太
常少卿元和初遷刑部侍郎尚書右丞四年拜京兆尹賜
紫改兵部侍郎俄以本官權知貢舉舊唐書本紀元和五
年十月戊辰京兆尹許孟容爲兵部侍郎七年二月壬寅
兵部侍郎許孟容爲河南尹碑立七年十一月此孟容撰
碑在未遷河南尹前之證歸登傳字冲之大厯七年舉孝
廉高第補四門助教貞元初復登賢良科自美原尉拜右
拾遺轉右補闕起居舍人後遷兵部員外郎充皇子侍讀
尋加史館修撰順宗初以東朝舊恩超拜給事中遷工部

侍郎本紀元和六年正月丙申勅工部侍郎歸登於豐泉

寺翻譯大乘本生心地觀音經與此碑登官工部侍郎合

金石萃編傳又稱登工草隸而不言能篆書此碑登書并

篆額又集古錄載百巖大師懷暉碑亦登篆額是登兼工

篆也

按裴耀卿孫估武元和初皆貴顯孟容登撰書以此碑言耀孫字子渙河東聞

喜人

金石萃編地理志聞喜與稷山同屬絳州州屬河東道唐河東道所屬有河東郡即河中府本蒲州碑

稱河東是道非郡也又云

關

景仕周舉秀才富平縣令大

王父正隋豐州司馬蘇州大總管府贊治王父睿皇朝舉

秀才授許州司戶登明庭高科遷

關

即新書宰相世系表

南來吳裴房叔業後魏豫州刺史蘭陵郡公子簡之後魏

岐州刺史孫景富平令

表不言何代据碑為周可補表闕

景生正隋散騎

常侍不言為豐州司馬正生睿字歸厚南鄭鄭令與碑所

歷官不同新裴守真傳父晉隋大業中爲淮安司戶參軍
舊裴守真傳父晉大業中爲淮南郡司戶貞觀中官至鄴
令與表合無碑舉秀才等事碑又云考守真闕封尉太常
博士詳正學士夏官員外成甯二州刺史贈戶部尚書新
傳守真舉進士六科連中累調登封尉授太常博士天授
中爲司府丞出爲汴州司馬累遷成州刺史徙甯州長安
中卒贈戶部尚書舊傳守真永治初授太常博士天授中
爲司府丞出爲汴州司錄累轉成甯州刺史長安中卒二
傳皆無爲詳正學士文唐會要宏文館儀鳳中以館中
多圖籍置詳正學士校理之碑
云公卽尚書府君第三子舊守真傳子子餘兄弟六人次
弟巨卿耀卿數寔在三新表同碑又云闕聖歷中書判入
等補麟臺正字未幾丁尚書府君憂舊耀卿傳少聰敏童

子舉弱冠拜秘書正字唐會要秘書省光宅元年九月五日改爲麟臺監等並隨名改易碑云麟臺正字者武后所改官名傳云秘書者唐官名耀卿爲正字在武周時從碑爲核碑又云服除調集以太夫人有羸老之疾乞閑官

闕

累轉國子主簿詹事府丞太夫人捐館哀鄰減性制終除

河南士曹參軍舊傳自秘書正字後云俄補相王府典籤

睿宗升極拜國子主簿開元初累遷長安令

新傳遷正字相王府典籤

王即帝位授國子主簿累遷長安令

今碑無爲相王典籤文當在闕字內碑

又云出濟州刺史累換宣冀二州舊傳十三年爲濟州又

歷宣冀二州刺史

新傳累遷長安令爲濟州刺史俄徙宣州歷冀州

與碑合碑云

清明愷悌三郡一致又有濟陽信都云云按唐書地理志

濟州濟陽郡冀州信都郡通鑑開元十三年十一月濟州

刺史裴耀卿爲定州刺史以碑及舊新傳證之當作宣州

碑云除左庶子仍領崇文館事疾間復拜戶部侍郎尋遷

京兆尹舊傳自宣冀二州後卽云入爲戶部侍郎無爲左

庶子等事新傳同又新舊傳自戶部侍郎後皆有副信安

王禕討契丹事

通鑑開元二十年正月乙卯朔方節度副大使信安王禕爲河東河北行軍副大總

管將兵擊奚契丹王申以戶部侍郎裴耀卿爲副

碑無碑云尋遷京兆尹傳云其

年冬遷京兆尹碑云

闕

耀貴將幸活也上徵救人之術舊

傳明年秋霖雨害稼京城穀貴上將幸東都獨召耀卿問

救人之術卽其事

通鑑事在開元二十一年九月壬午

碑此下耀卿漕運事

詳見新舊志傳通鑑碑云明皇帝舉勞旌善擢授

闕

卽舊

傳尋拜黃門侍郎同中書平章事文通鑑新紀表舊紀在

開元二十一年碑有轉運都使文

金石萃編傳則云轉運使無都字舊食貨志耀

卿充江淮河南轉
運都使與碑合

碑云尋遷侍中加銀青光祿大夫諸書

開元二十二年五月戊子耀卿爲侍中碑云以千畝五推
之禮加金紫光祿大夫唐會要開元二十三年正月十八
日親祀先農禮畢降至耕位侍中執耒太僕秉轡帝九推
而止公卿以下終其田畝制大赦天下舊紀開元二十三
年春正月己亥親耕籍田大赦天下京文武官及朝集採
訪使三品已下加一爵四品已下加一階此耀卿加金紫
之證所云論夷州刺史楊濟坐贓杖事見通鑑開元二十
五年五月舊傳錄其全疏所云論蓋嘉運事見通鑑開元
二十八年六月碑有闕右僕射云云卽舊傳天寶元年改
爲右僕射事通鑑天寶元年二月初左右丞相復爲僕射新
舊書會要同耀卿爲右丞相故改右僕射所謂官隨名易

也碑云以天寶三載七月十八闕震悼罷朝贈太子太傅

諡曰文獻金石萃編亦作三載舊傳天寶元年改右僕射

一歲薨舊紀天寶二載七月丙辰右僕射裴耀卿薨與舊

傳一歲薨台疑今碑本誤唐會要諡法下文獻贈司空趙

城縣公裴耀卿此耀卿卒後加贈官碑不列封名可以會

要參之碑云以其年十月葬絳州稷山縣姑射山之陽世

系表耀卿子六遂太子司議郎泛梁州都督泐秘書少監

綜吏部郎中舉給事中延通事舍人碑云有子八人遂泛

泐萃編誤淑綜延下又云綜舉最知名綜官吏部郎中舉官給

事中皆與世系表合其餘二子名則表無而今搨本暨萃

編亦闕萃編本給事中下有郎中淑三字今搨本闕一字

下作中子二字此下有吏部侍郎佶京兆少尹武校世系

表侂武皆綜子

侂國子祭酒
武太府卿

舊傳侂字宏正弱冠舉進士

補校書郎判入高等授藍田尉拜拾遺轉補闕三遷吏部

員外歷駕部兵部郎中遷諫議大夫會黔中觀察韋士文

慘酷馭下爲夷獠所逐俾侂代之酋渠自化拜同州刺史

入爲中書舍人遷尚書右丞就拜吏部侍郎以疾除國子

祭酒尋遷工部致仕元和八年卒舊紀元和八年八月丁

亥司農卿裴武爲郾坊觀察使十二月庚辰武入爲京兆

尹十年七月乙未武爲司農卿十一年七月丁丑華州刺

史裴武爲江陵尹充荆南節度使長慶元集裴武司農卿

制武爲元僚所至稱理嘗居內使

謂京兆

屢入正卿多歷年

所終無尤違自華至荆無非劇地鎮定南服子方賴之而

亟請朝堅求內任可檢校禮部尚書兼司農卿舊紀寶歷

二年十一月乙酉同州刺史裴武卒校武位官可以據長
虞集舊紀得其概通鑑元和四年八月壬午上遣京兆少
尹裴武詣員定宣慰與碑官合稷山縣志有裴耀卿墓碑
見金石錄寶刻類編金石錄跋尾金石萃編通志金石記
甘露義壇碑

碑連額高六尺一寸廣二尺六寸二十七行行五十四字
正書額題唐甘露義壇碑六字篆書今在交城縣石壁山
永甯寺

唐石壁禪寺甘露義壇碑

尚書司封員外郎賜緋魚袋李逢吉撰

唐有天下 仁聖奕葉文武重光憲章於古損益以正革去
雜霸煽揚遠風於二皇三代有全德於周公孔父無違命獨
以空門金人之教清淨叶於天網考慈裨於人紀考之經義

則不悖施之帝典而可大式克惇尚許其踐修於是人知崇奉家有清信空法匝於寰區真經侔於墳籍則道斯備矣凡

彼列刹布於列郡而我三壇角於三都在西都曰靈感壇在

東都曰會善壇在北都曰甘露壇洪惟適道之通軌歸心之

真宅甘露壇在府之交城縣石壁寺清淨大茆菴慎微稽謀

之初欽若佛旨曰將漸位地是繫禁戒惟朕授受必資壇

場不嚴重何以肅凡心不精頌罔克迴聖鑑不弘闡曷足流

大化不砥礪莫有就靈功且欲以齊二京之宏觀補是邦之

闕典乃銳其勑力誓之以死斬于高貲邸彼崇信入貨者波

委就役者子來掘及九泉實以香土築之三層布以貞磬殫

山水之勝極金木之工功費鉅萬環奇莫二自貞元癸酉歲

暨丁丑歲而能事畢是歲有事于靈壇凡數郡之內碩學舊

德顓門之師大

和曾几千里之外激節

齋志去家口之徒駁

奔走自四月八日至廿四日而法會罷俾夫來者宿殖連生

聚舊汙畢清滌恒性鎮有守矣見寢不作至靈加之易外境
汨之難精誠欲以交感凡聖忽其相接懽聲喜氣被於山谷

休譽令儀播乎宇宙其大哉茲至道妙蹟之無量無邊其魄
見於事者可略而紀昔應身示滅像教爰布輪既三轉

趨之

不一而旌別道俗攝持身口莫疾於尸羅近世之弊主者有
經費求者必執費既叨憤而有交利之患顧怠惰而無與進
之心則中途而北者十四五而大化斯靈矧或師未善教而

法禁廢弛事鮮成命而去取溷淆懿夫弘濟為心周給於衆

則人以勸廷辯其能詳定其要則事有倫五載而一

會使人

跋之也

萬衆而無擇使人趣之也謂東漢感夢以還釋流傳

授未有威於此者故自興作每多荷應巨功方半景甚清霽
甘露垂珠於草樹者三日以旌美志縑素同觀大眾日集時

屬旱暵靈泉湧溜於山澗者數所以辦禮食賓主咸賴由是
節度觀察使禮部尚書李公以文武忠肅休勲懿行而志尚
營道監軍使以勤敏寬仁長材曠度而性惟與善相與叶心

同德表請錫名曰甘露無碍義壇且又降之素書用加褒美
出其清俸以為賜予斯足以駭見聞而洽議誦矣夫道設

教得其人而後行前志又云天時不如地利禪師本姓齊氏
剛人也姜水舊族漁陽德門累襲軒冕夙彰行義脫屣代祿
奉身高驤初隸名本郡懷忠寺修多之藏究毗尼之學演

律為奧主傳戒為常師了法之無住遊方而至止因感文
德先后聆神鍾初仁祠之勛嘉道綽大士精修禪觀窮淨吟

之風而峰

整崇邃林泉詭異據全晉之右壤面興王之舊

京宜作聖域以嚴佛事亦既經始於焉肆勤綱維及寺之膏

艾上首等率能奉法以慎

身觀妙以成性用

克佐佑誕臻厥

成則又知清行勝槩之若此雖欲勿坦為宏圖而莫可已於

是繼流俊賢縉紳諸儒洎清信士女百千人俱議欲刻石以

存不朽弟子逢吉用

六經之餘雅脩無生而亦窺龍宮之秘

故得以盛朝君臣之至化空門聖賢之妙道合而為頌以簡

于後其辭曰

釋氏之宗泊乎無為生殖光大衆妙攸依道號無涯智不得

知誕設炯戒揭其洪規亦既潤色為之羽儀乃睽後賢異代

如期

持律之士若優波離能以厥躬

為衆元龜亮直端潔宜

作之師在法末流典制寢隳忘味輟寢誓志興衰乃經斯壇

究盡瑰奇赴者如市來其如歸靈泉 川流膏露珠垂佛日在

上赫乎增輝穆穆 聖君唐虞同時端洪思道而人畢隨京

邑有三壇乎如之越有大賢鎮安翔隱請錫嘉名用光于茲

既賜子矣 褒之以詞緬懷元猷祇率皇威顯允都政貞清道

機萬有千年輝洪耀于斯

元和八年三月十九日

大元至順三年歲次壬申三月初有三日重建

中奉大夫陝西等處行中書省

特賜龍山石壁護國永寧十方大玄中禪寺

校交城縣志石壁山一名龍山在縣西北二十里上有永

甯禪寺北魏延興二年建太和年有甘露之應唐貞觀重

修甘露復降賜名石壁永甯寺元和七年甘露又降賜名

龍山石壁永甯寺碑文今多有剝落以交城縣志校補碑
立於元和八年三月而靈壇賜名則在貞元之代如云自
貞元癸酉歲暨丁丑歲而能事始畢按癸酉貞元九年丁
丑貞元十三年其時節度河東者爲李說舊唐書德宗紀
貞元十一年五月癸巳河東行軍司馬李說爲河東節度
觀察留後十六年十一月乙丑河東節度使李說卒舊李
說傳說充留後尋正拜河東節度使檢校禮部尚書在鎮
六年此貞元十三年說節度河東之證與碑所言節度觀
察使禮部尚書李公者一一相合舊傳說初勤心吏職後
遇疾言語行步蹇澀軍府之政悉監軍主之按碑文頌李
公後卽繼曰監軍使以勤敏寬仁長材曠度相與叶心同
德表請錫名此足爲舊傳說鎮河東監軍主政之確證又

云禪師劉人初隸名本郡憫忠寺新唐書幽州大都督府

治薊縣金石萃編有唐幽州憫忠寺碑

以上所引碑文今多漫漶此據縣志

原文

逢吉爲司封員外郎傳闕唐會要元和三年諫議大

夫段平仲充冊立南詔使司封員外郎李逢吉副之金石

萃編唐郎官石柱題名亦有司封員外郎李逢吉賜緋魚

袋唐會要永徽二年四月二十九日開府儀同三司及京

官文武職事四品五品並給隨身魚袋景雲二年四月二

十四日敕文魚袋著紫者金裝著緋者銀裝舊輿服志開

元九年張嘉貞爲中書令奏諸致仕許終身佩魚袋自後

恩制賜賞緋紫例兼魚袋因之佩魚袋服緋紫者眾又輿

服志五品服淺緋六品服深綠職官志司封員外郎從六

品當服綠逢吉賜緋魚猶今六品加銜五品故入銜唐會

要司封吏部子司六部皆隸尚書省故結銜稱尚書員外郎舊唐書宣宗紀及全唐文制詔唐人六部長屬結銜例如此舊李逢吉傳使南詔元和四年還拜祠部郎中今按碑立元和八年而銜爲司封員外郎逢吉撰此文必在元和三年以前非勒碑時重建在元至順三年寺額較元和增護國十方大玄中等字碑見山西通志金石記從金石志略作元和六年而以金石文字記元和八年爲疑今據本作元和八年三月十九日則志略誤又見金石錄補金石續編

申屠暉光墓志

石縱橫皆一尺六寸二十行行十三字至二十七字不等正書今在潞城縣北二十里合室村

唐故上柱國申屠君墓誌銘 并序

前澤州陽城縣丞景選撰

男軼書

許身立可英心守節穆如得人仁之令與惟厥

申屠府君君諱暉光 皇門襲餘慶地載芳枝識匪浸微寬

裕為務遠系楚大夫申繻之後即德以謙牧義而能婉前時

列土封望謂曰金城人也 曾祖諱伏興 皇推心讓能報

主恩量不伐于已行可名於踐跡至公之志守吏部常選

祖諱後進誓已先兒乘時通明負貞才之用高素誠之見列

名受朝散大夫 府君事非踐祚有承家繼世可觀之見戲

哉運不私帑時享年七十七至元六年十月廿二日祝終私

第

夫人張氏諱德成心慈愛為地肅穆杖順昭彰從夫之敬嗟

貳數咲靈壽時享春秋七十二洎元和十一年五月四日弃
世于私舍長子琛少小孝友貞心松筠次子軫弱年從事明
時盡忠公才貞幹仁勇多可迷職昭義軍節度要籍文林郎
試左武衛兵曹參軍上柱國次子道義氣蘊清陽心歸仙府
名藉上黨縣龍興觀道士次子法宣學古訥言範師成行潞
城縣滕緣寺僧長子琛次子軫等度義而處於事垂元和十
一年十一月廿四日閤室村西北一里宅兆于平原用安
神位合祔禮也豐石刊詞爰旌厥行銘曰

張君前時 達乎所知 謀心富義 許身範儀 愛子垂
訓 與朋合信 靈運伊何 彼蒼踐蹇 哀挽淚流 永
訣兮千秋

按通志金石記石於光緒中出土會刊縣志縣人采入志

中而鈔寫訛脫不可句讀文爲陽城景邈撰考申屠氏本
申侯之後居安定屠原因以爲氏或云申屠楚之官號而
文敘世系以爲楚大夫申繻之後前時列土封望謂曰金
城人以魯爲楚以著望爲封望已不可解曾祖伏興吏部
常選祖後進朝散大夫而不及父次子軫今搨本試左武
衛兵曹參軍上柱國官階僅九品而勳級乃正二品校此
異唐人勳高三子道義名籍上黨縣龍興觀道士四子法
階卑者至夥宣又爲潞城縣勝緣寺僧亦皆奇也暉光以貞元碑訛作

六年卒文不詳所歷官而標題爲上柱國殆取其子勳級
加之父歟按今搨本題陽城縣丞景邈撰以碑元和十一
年十一月宅兆于平原文考之則邈是年爲陽城丞今縣
志無可據碑補又碑云次子軫昭義節度要籍按百官志

節度使下有要籍一人唐昭義節度治潞州舊唐書憲宗
紀元和六年三月乙未河南尹鄒士美爲昭義節度使十
二年八月戊午河南尹辛秘爲昭義節度代士美士美爲工部尚書
元和十一年士美正鎮昭義軫時爲士美要籍也以碑
題男軫書證之軫又兼工書故幹本鎮機要之職通志古
蹟考申屠暉光墓在潞城縣北合室村與碑合

李光進碑

碑高六尺七寸七分廣二尺九寸六分二十七行行六十
八字額高二尺廣一尺四寸四行行六字題唐故朔方靈
鹽等州節度副大使知節度事左僕射李公
碑銘二十四字均行書今在榆次縣趙村

大唐故朔方靈鹽等軍州節度副大使知節度事管内支度

營田觀察處置押蕃落等使銀青光祿大夫檢校刑部尚書

兼靈州口都督府長口口史大夫安宅郡王口尚書左僕射

李公神道碑銘

并序

門下侍郎中書門下平章事令狐楚撰

嗣子季元書

□安芝郡王諱光進字耀卿卽制靈武之三年歲在乙未季夏六月寢疾于理所監軍使者驛馬以聞

皇帝遣

中貴人賁尺一書與御府監藥馳

在

臨視旬有者八日□□

厥命享年五十七矣

制詔丞相御史罷朝會加

賙賻然後以左揆之蜜印盡綬告于弟焉其年嗣子季元河

□衙前兵馬使檢校太子賓客兼監察御史次曰燧

陳許

鄧度押衙檢校太子賓客兼監察御史次曰毅元次曰綬元

宣義郎行太原府太原縣尉次曰宗元次曰吉元血泣柴立

護宸帷南歸太原越十一年二月己酉塋

我尚書左

僕射安定王于太原府東四十里孝敬原禮也

公之

先本阿跌氏出於南單于左廂十二姓代有才傑繼為酋帥

嘗統數

千

廬落號別部大人貞觀初

大父賀之率其

屬來歸

太宗制授雞田州都督仍充靈武豐州定

塞兵馬使

大父襲之無祿早亡

先父良臣開

府儀同三司雞田州刺史充朔方先鋒左助兵馬使夫以三

葉之忠厚一門之信謹宜錫祚消降生峻賢

公形清

而視明神全而氣和猿臂虬鬚山立玉色贈工部尚書李奉

國聶

公之伯姊器

公於稠人教之騎射付以

韜略由是發迹雲中策名太原始以勇敢從北平王燧戰于

蒲次以愿恭事朗寧王自良鎮於并戎典領先偏戎訓齊部

伍公家之事無細大戎府之務無重輕緣手風生過目冰泮

禮部尚書隴西公說待以心膺奏兼殿中侍御史工部尚書
榮陽公偃杖為爪牙表兼御史中丞大司空嚴公綬擇獻下
之才奏兼御史大夫大司徒范公希朝求軍中之舊遷為檢
校左散騎常侍古人云一心可以事百君於公見之自時而
後氣槩昭宣風聲流聞人望歸厚

天心委重由

代州刺史石嶺鎮北兵馬使代北軍使趙遷工部尚書單于
大都護振武節度支度營田觀察押蕃落等使朝家思所以
優寵尊異于

公者無所愛焉八年秋遷為秋官改拜

靈州進階至銀青封公于安定賜姓李氏列於

宗籍

追命

先君儀同為工部尚書

先夫人史氏為

代國太夫人

君臣交誠家國儲慶焜耀充塞有如是

耶十三年春小口忠武軍節度等使銀青光祿大夫檢校司

空同中書門下平章事武威郡開國公光顏既平淮夷秉圭
秉 朝疏 公官伐德善涕洟見請以表 壘又曾故吏

御史任夷則條二府政事上於考功故得鋪陳馨 追琢琬
綬云惟 公 毅直清潔矩莊明不為物遷能以貞勝

忠信之教自形於心術孝悌之行每合於天經 昔國太夫
人嘗有霜露之疾 公與今司 左右就養不 冠帶

者累月其至鴈門也先惠訓而後武斷清靜之政成愷悌之
化流鰥孤遂安奸盜訖熄貞元中 孝文之心在宥天

下無何李鄭二帥相繼物故大司 公亦用寬和統三軍
轅門武人驕蹇自便及 公之都紀經也言詞約而必

信号令明而必行堂皇之上聽無譁大旆之前立無跋范司
徒之東討常山也軍旅之事 以咨之或壅水以絕其歸居

戎斷橋以防其走集繁君有命皆我之為開網竟從於

朝旨改轍無失於戎律其在振武也懲邊候之不修黠虜
挺災我人離落於是選騎戒期楊威稜於沙磧竄皆愕眙深
潛而速遁矣病公田之不闢豪家射利我庾空竭於是置吏
立程懸信賞於表綴農皆鼓舞寒耕而熟耘矣罕羗之豪曰
懷榮曰黑□□賊擾熒橫於二□前後握兵者率不能禁

公乃飛語以速其卸開恩而息其意密聲疾力如取懷
中而殺之風清河湟威動朔漠遷之至于靈武亦猶是也而
加之以□仁因之以廉平天家之徭有恒經井地之征有之
制生物滋殖齊人樂康利澤四布淑聲一口時縣官加兵蔡
人且三年矣楚方奏薄伎于
內庭雅知將欲徵□於
朔方濟師于許昌謂肺肝之可見俾手足以相衛
公

亦義形于色情發於中或攘臂而言或投袂而起豈天緩狡
童之戮于終歲也翌日而

公疾浹旬而

公病

不月而

公薨悲夫信之結於人也深惠之被於物也

久聞喪而哭於野者雷動會葬而登於壟者星奔豈止勞而
刺心輟舂罷市而已嗚呼黑山雖順亦嶺猶虞而耀卿宰木
已高壽官永閤懷忠憤者得不太息而掩涕乎蔡邕撰有道
之碑自知無愧范文觀武子之墓可以與歸銘曰

天有風霆是為威刑國之斧鉞用以征伐明明

我后

耀武敷文螭螭我王亟節邀勲皆在偏裨與道則直洎司經
紀其儀不或一麾出守十乘啓行藩籬單于襦袴朔方心與
□同政由已出塞上師壯軍中廩實既宣大忠宜奏膚公西
戡猷夷北服山戎慶方來兮任方崇身已滅兮名已空罕上

之南汾水東白楊黑栢夕悲風

按碑題門下侍郎同中書門下平章事令狐楚撰嗣子季元書新唐書方鎮表元和十四年七月丁酉河陽節度使令狐楚守中書侍郎同平章事十五年閏月辛亥楚爲門下侍郎七月丁卯罷此碑題門下侍郎則楚未能相前銜季元見碑河陽衙前兵馬使又見承天軍題名右武略軍使兼監察御史李季元碑言安定郡王諱光進字耀卿節制靈武之三年季夏六月廢疾舊唐書憲宗本紀元和八年七月丁卯振武節度使李光進爲靈州大都督府長史靈武節度使十年七月庚午朔靈武節度使李光進卒舊傳鎮靈武年及卒年月並同本紀碑言廢疾十有八日而不言何日卒可以本紀證之碑言制詔罷朝會卽唐會要

輟朝之典

唐會要貞元十六年以徐泗濠等州節度使張建封卒輟朝光進用此制也

舊傳言

六十五碑言五十七當從碑其曰以左揆之蜜印畫綬者

卽舊傳贈左僕射事碑言嗣子季元

河陽衙前兵馬使校卽烏重允之兵馬使

燧元

陳許節度押衙校卽李光顏之押衙

毅元綬元

太原縣尉

宗元吉元又季元

見承天軍題名長慶二年爲裴度右武略軍使十一年二

月己酉葬太原府東四十里孝敬原校孝敬原榆次縣志

後曰使相鄉碑言公之先本阿跌氏出南單于左廂十二

姓代有材傑繼爲首帥貞觀初大父賀之牽其屬來歸太

宗制授雞田州都督仍充靈武豐州定塞兵馬使李宗閔

贈太保李良臣碑多與此同校阿跌部歸唐賜州額曰雞

田見新唐書回紇傳新唐書地理志回紇州十八府九貞

觀二十一年分回紇諸部置又雞田州以阿跌部置僑治

回樂隸靈州都督府按唐初回紇諸州皆有實土隸燕然

四州始僑諸書皆無雞田刺史名以碑證之即賀之也按

新舊書傳志唐會要皆曰雞田州不曰都督府當從良臣

碑作刺史爲是碑言大父襲之無祿早世良臣碑皇考諱

田州刺史以功加開府儀同三司先父良臣開府儀同三

司雞田州刺史充朔方先鋒左助兵馬使良臣碑肅宗幸

王帥收兩京平劇賊公之功居多拜開府儀同三司雞田

州刺史充朔方左廂兵馬使使事太尉汾陽王尋遷御史

中丞別職知故以實應二年碑言公形清而觀明神全

而氣和贈工部尚書李奉國璋公之伯姊器公甥人教之

騎射付以韜略舊唐書李光進傳本河曲部落稽阿跌之

族隸朔方軍光進姊適舍利葛旃殺僕固瑒事河東節度

使辛雲京光進兄弟少依葛旃因家于太原光進勇毅果

敢其武藝兵略次于葛旃潛研堂金石跋尾碑云李奉國
者本傳所云舍利葛旃也舊傳肅宗自靈武觀兵至大厯
四年十月葬母親者如堵皆誤系李光弼弟光進事欽定
舊唐書考此下卽敘元和四年范希朝引師救易定表光進爲

步都虞候事自不若此碑之詳碑言發迹雲中策名太原
始以勇敢從北平王戰于蒲次以恩恭事朗甯王鎮于并
舊唐書本紀興元元年八月癸卯河東保甯軍節度使北
平郡王馬燧爲奉誠軍晉慈隰節度行營兵馬副元帥時
方命燧出師討懷光故也貞元元年八月甲戌馬燧收復
河中貞元三年六月丙戌河東節度使馬燧罷左龍武大
將軍李自良爲河東節度使此卽碑所言戰蒲鎮并事並
可爲馬燧鎮太原後光進始顯名河東之證朗甯王者自

良封也碑言禮部尚書隴西公說待以心膂奏兼殿中侍

御史工部尚書勞尸 肅仗為爪牙表兼御史中丞大司

空嚴公綬奏兼御史大夫大司徒范公希朝遷為左散騎

常侍按自隴西公說以下諸人皆任河東者舊紀貞元十

一年五月甲申河東節度使李自良卒癸巳河東行軍司

馬李說為河東節度觀察留後舊傳尋正拜河東節度使檢校禮部尚書十六

年十月乙丑說卒甲午河東行軍司馬鄭僂為河東節度

使舊李說傳十六年十月卒是月制以河東行軍司馬鄭僂為河東節度使十七

年八月戊午河東行軍司馬嚴綬為河東節度使按代鄭

貞元十七年八月庚戌卒見昌黎集鄭公碑通鑑舊嚴綬

傳元和元年楊惠琳叛於夏州劉闢叛於成都綬表請出

師討伐悉選精甲付李光顏兄弟光顏累立戰功檢校尚書左僕射拜司空與碑言大司空合元和四年

六月丁丑靈鹽節度使范希朝為河東節度使按希朝代李麟鄭以

是年三月乙酉除河東代嚴綬綬以是年三月乙酉入爲
尚書僕射並見通鑑鄒以是年六月丁丑爲刑尚書鐵轉
運使希此光顏遷檢校左散騎常侍在元和三年六月綬
鎮河東後之證碑云自時而後人望歸厚天心委重由代
州刺史石嶺鎮北兵馬使代北軍使超遷工部尚書單于
大都護振武節度支度營田觀察押蕃落等使舊紀元和
五年十一月庚戌代州刺史阿跋光進爲單于大都護振
武麟勝節度度支營田觀察押蕃落等使略與碑同新唐
書地理志忻州定襄有石嶺關代州有代北軍永泰元年
置校唐以州刺史兼境內軍使故結銜如此碑又云八年
秋遷爲秋官改拜靈州進階銀青封於安定賜姓李氏校
舊紀元和六年四月壬子振武節度阿跋光進夙彰忠節
久立茂勳宜賜姓李氏八年七月丁卯振武李光進爲靈

武節度使核以碑所述則賜姓在八年遷靈武後而舊紀

則備列月日是六年史與碑必有一誤碑云追命先君

儀同爲工部尚書先夫人史氏爲代國太夫人

據良臣碑即阿史那

可汗之女

其云十三年春忠武軍節度使檢校司空同中書門

下平章事武威郡公光顏旣平淮夷秉圭來朝疏公官伐

德善涕洟見請以表邱壟舊紀元和十二年十一月丙戌

錄平淮西功忠武李光顏檢校司空舊傳十三年春命中

官宴光顏于居第賜芻米二十餘車憲宗又御麟德殿召

對賜金帶錦綵

本紀十三年二月乙亥御麟德殿宴羣臣大合樂

惟光顏加同平

章事在元和十五年九月戊午其時楚已罷相而碑文所

述則又似元和十三年已加者然則此碑之立必元和十

五年光顏加同平章事後

否則楚不

得預書之碑言鎮雁門先惠訓

而後武斷鯨孤遂安奸盜訖息貞元中孝文之心在宵天

下

舊唐書本紀永貞元年九月丁卯上

無何李鄭二帥相繼

物故大司空嚴公亦用寬和統三軍轅門武人騎蹇自便

與舊綬傳在政九年以寬惠爲政合碑又云公之都紀綱

也言詞約而必信號令明而必行聽無譁立無跋按此都

紀綱當指光進爲都虞候事碑云范司徒之討常山軍旅

之事咨之或壘水以絕其歸居或斷橋以防其走集視舊

傳加詳

按希朝傳及諸書承宗叛希朝討不力罷鎮以此碑則爲之將者光進也

其在振武碑

有揚威後於沙磧寇皆愕胎懸信賞於表綴農皆鼓舞羌

豪曰懷榮曰黑

關

公飛語開恩密聲疾力而殺之此皆光

進治振武之績可補史闕碑末云時縣官加兵蔡人且三

年楚方奏薄伎于內廷雅知欲徵

關

朔方濟師許昌翌日

公疾云云此元和十年朝欲徵光進佐光顏之證翰苑羣
書翰林學士廳壁題名令狐楚元和九年七月二十五日
自職方員外郎知制誥充十一月十一日賜排十二月七
日轉本司郎中十二年七月遷中書舍人八月四日出守
本官元和十年正楚直禁廷時舊傳光進嘗從馬燧救臨
洺戰洹水收河中皆有功前後軍中之職無所不歷中丞
大夫悉曾兼帶先是救易定之師光進光顏皆在其行軍
中呼光進爲大大夫光顏爲小大夫可與碑隴西公說奏
兼殿侍以下相參證碑見金石文字記金石錄補潛研堂
金石文跋尾金石萃編按潛研堂跋尾據令狐楚署銜斷
爲十五年而碑述光顏有同平章
銜唐書光顏平章在楚罷相後則
此文亦未敢決爲楚相時撰也袁宇訪碑錄通志金石
記

承天山韓愈題名

石高廣皆一尺九寸五行行字
不等正書左行今在平定州

鎮州宣慰使尚書兵部侍郎

韓愈

副使尚書駕部郎中吳丹

長慶二年二月十五日由此路同往鎮州其月二十日迴

校碑題鎮州宣慰使尚書兵部侍郎韓愈副使尚書駕部

郎中吳丹通鑑舊唐書本紀長慶二年二月甲子兵部侍

郎韓愈爲鎮州宣慰使唐文粹白居易饒州刺史吳君碑

君諱丹字真存以進士第入官歷正字協律郎大理評事

監察殿中侍御史太子舍人水部庫部員外郎都官駕部

郎中諫議大夫大理少卿饒州刺史歷職義成軍節度判

官浙江道節度判官潼關防禦判官鎮州宣慰副使
使階至中大夫勳至上柱國讀書數千卷著文數萬言
寶曆元年六月某日薨于饒州官次核所言駕部郎中鎮州
宣慰副使與此題名悉合昌黎集奉使常山次太原呈副
使吳郎中注吳郎中名丹時以駕部郎中爲宣慰副使碑
末題長慶二年二月十五日由此路往鎮州其月二十日
迴通鑑愈說王廷湊事於三月以此題名考之則實二月
舊唐書本紀長慶二年二月癸亥朔甲子詔雪王廷湊仍
授成德軍節度等使令兵部侍郎韓愈往彼宣諭是則愈
以是月二日奉使昌黎詩有奉詔山東撫叛帥日馳十驛
自嫌遲之句則十五日至承天必矣題云二十日迴其在
鎮州特二三日耳以支幹推之十五丁丑二十壬午也碑

見通志金石記

劉明德墓志

碑二石一底一蓋縱橫皆一尺五寸二分底石刻志二十一行行三十字至三十三字不等前題二行首行二十七字次行十二字正書蓋石縱橫如之中題四字篆書四邊間列夜半子等十二行行三字正書今在臨縣

劉君墓誌

夜半子 雞鳴丑 平旦寅 日出卯 食時辰 禺中巳 正南午 日昃未 哺時申 日入酉 黃昏戌

亥 人定

唐故校尉守左武衛涇州四門府折衝都尉賈外置同正員賜紫金魚代上柱國劉府君墓誌銘 并序

君諱明德字節望自彭城漢武帝之褒家本河曲延州風臨縣人也因草擾之故移家此州寄食臨泉縣界永吉村而業焉 曾祖及祖墜於譜籍不錄其諱 父諱慕舉傲隱雲

卧披荷戴簪飲水曲肱且歌且嘯時稱逸者也

府君有擒虎之勇拔鈞之力楊穿白羽鷹落虛弓猿啼逸枝
号於奇人者哉嗚呼不祿其如命何遂於貞元六年正月廿
九日寢疾而終別業春秋六十有六

夫人高氏有容有德合禮有儀在室無虧為婦何闕奈何天
降其禍致此凶變於長慶二年夏首十三日而殂矣以軼言
師青烏遠届卜吉山澤龍崗建墳興於子孫榮祿剋就事無
不中以其年仲夏月十二日永吉村西北二里合葬於平原
西禮也嗣子奉天定難功臣上柱國鎮軍大將軍試殿中監
十將朝逸鶚領虬鬚鷹揚虎視深其軍誠仍包多女之符鐵
石為心更冠楚王之勇為國展効丹心奉成四稔討吳身
不離甲苦鬪殫力沉水溺躬刀跡猶存槍痕尚在痛切之甚

莫大於斯 中使知勞 元戎悉苦累加榮職大賜殊勲光
於子孫彰顯中外次子進晟咸有懷橘之孝泣笋之憂察省
暮晨曾無有倦親之有疾行而不翔冠而不櫛肉不變味酒
不變容聖親之傷形質散悴絕漿泣血號叫感人山澤哀之
莫不悽愴為其 孝妣追福請僧轉讀大乘夙夜無德凶
儀不濫大價名於良工瘞土殷豐重遺酬於拓匠次子智清
先 君而已逸之長子惠達元和七年而逝今並列於墳次
侍奉如存晨夕無替九原之上千春寂寥啼猿斷腸悲風
不息感烏銜塊助於孝子之勞丹檉雲愁素車煙慘歌吟薤
露鐸振笳哀陵谷有期傷於大夜垂於後 瞻彰讚平生存已
路殊以詞歌曰

哀哉括人於何是美言滿山川名揚閭里上敬而恭下問不

恥直而能謙和而有禮奈何龍綬俱沉逝水風樹蕭蕭荒墳累累曾閱攀號哀情摧毀中外痛咽兮苦深腸斷絕兮不能已已

按碑題唐故校尉守左武衛涇州四門府折衝都尉員外

置同正員劉府君墓志銘新唐書兵志太宗貞觀十年更

號統軍爲折衝都尉凡天下十道置府六百三十四皆以

隸諸衛新百官志諸衛折衝都尉府每府折衝都尉一人

校尉五人

從七品下

地理志涇州府六其二曰四門又百官志

太宗省內外官定制爲七百三十員時已有員外置其後

又有特置同正員

舊職官志職事高者爲守

今以此碑題觀之則涇州

四門府固隸左武衛劉君又以校尉而爲折衝都尉者故

曰守

下府折衝都尉正五品上校尉從七品下

碑云家本河曲延州風臨縣人

移家此州寄食臨泉縣界按唐志延州有豐林無風臨其
字訛歟臨泉唐志石州臨泉中本太和武德三年更名置
北和州別析置太和縣四年以太和隸東會州貞觀三年
州廢以臨泉來屬輿地韻編今山西臨縣西碑云嗣子奉

天定難功臣上柱國

正二品勳

鎮軍大將軍

從二品武階

試殿中監

朝逸翰苑集賜將士名奉天定難功臣詔其諸軍使應到

奉天將士等宜並賜名奉天定難功臣食實封者子孫相

繼代代無絕身有過犯遞減罪二等子孫有過犯遞減罪

一等當戶應有差徭科役一切蠲免其功臣已後雖衰老

疾患不任軍旅者當分糧賜等並與全給身死之後回給

家口十年舊唐書本紀興元元年正月應赴奉天并進收

京城將士並賜名奉天定難功臣四月壬寅詔奉天隨從

將士並賜號元從功臣昌黎集李惟簡墓志今碑云奉天

定難功臣而不曰元從蓋與收京而非隨從者也金石萃

編嚴震經幢有子將試殿中監王斌正與朝逸相類三品

卿監而為武弁帶銜名器亦云濫矣碑末云劉君與夫人

高氏以長慶二年仲夏月十二日葬永吉村西北二里

泛舟禪師塔銘

石高二尺七寸廣一尺九寸六分文左行標題一行行十
九字又結銜一行行二十六字文二十一行行四十字正

書今在

安邑縣

安邑縣報國寺故開法大德泛舟禪師塔銘 并序

承務郎守河中府虞鄉縣令袁允撰

文林郎前守饒州叅軍薛頴書

禪師皇之姓指樹釋之號泛舟調御丈夫以太子踰城故師

以王孫脫屣封祖

（玄）宗祖邠王貴可知也降祥興夢照

瑞誕辰異可知也夫以貴異之資為悟解之發以修習之漸
為定慧之年是故萬石之中自生片玉百流之廣忽耀一珠
根性非常豈由開染情超所得安俟老成佩嚮之年愛捐於
□角行水之日事顯於空瓶亦既戒圓遂從師止安國神都
□□楚擢絳枝玉泉荆國之華峯標曠野琵琶寺內時比道
安芙蓉漏前人矜惠要旁通儒典借□□□妙入□乘登臨
或遠毛璩重翼豈但設中孫綽比咸何慙致禮大曆年河東
朔方節度使汾□□□福□□居寶泉精舍隨機啟導應物
調柔甘露自均慈雲普蔭迷起悟返虛詣實還為□□□德
水之涯作瞻仰於中條之首道聞天界響應神州 德宗
皇帝希妙力於維城厥御筵□□□□稱石之美宋文疑日

之能青眼之侶攸歸白足之徒盡漆 禪師義唯弘濟志匪
拘留龍旣升□□□去國掌窺□朕鈴報端倪蒲坂倏遺陝
郊遊往時逢艱食求莫充腸散騎乍遊功曹或寓置繩□□
閑曠歸錫杖於偷藏減分施蠱行乞知蠶繇是類王珣之欽
引齊孟顗之歸依貞元五年陳許節度使曲公富貴還鄉霜
露逾感輸金買地營寺酬恩陟圯之名實邀僧惠開心之号
由起興宗師以密德妙方聲臻意集刹迎流□青告埋鍾迅
若化成儼如堯率無幾何從容西望碩步東偏晚立匪朝閑
周卽夕不言而以錫扣孰測其微逮九年獻歲方顯前知居
平晏若旬有六日過中猶坐咸謂禪安以衣蒙頭衆驚神往
豆房則靄然煙馥塵尾而颯矣松飄景淡風淒城空巷涕凡
生於己卯滅於壬申僧臘三十四曲公以上將營護陝伯姚

公以日俸備供邑宰崔君躬飭吏辦其他有焚有露猶滯執
迷今則全體全歸吳傷解脫遵大師躊躇之選迄于寺之春
率率宰堵波以為瞻慕思惟之嚮也有大弟子義集證超蹟
覺以先師之行業④懿授于清信男子重於銘曰

蓬戶朱門 躍肅愛恩 精微潔淨 登得禪聖 神本
將形 不為形使 神去形留 水過停滓 滓亦無滓

塔亦無塔 尊敬敬師 傳者斯谷

長慶二年壬寅歲五月廿日鑄

承後大德沙門彼岸 門人等弁真 超進 智英 昭

敏 惠貞 惠亮

按碑見山右金石錄碑云禪師祖邠王新唐書宗室表章
懷太子子邠王守禮禪師邠王之孫則嗣邠王諸弟兄行

碑文大歷年河東朔方節度使汾下有闕文當卽汾陽王

按廣德二年郭子儀充河東副元帥尋兼朔方節度使郭

廟碑在拜太尉充通和吐蕃使前舊唐紀是年九月加太尉充通和吐蕃使舊唐書德宗紀大

歷十四年五月甲申河中尹河東副元帥朔方節度大使

汾陽郡王郭子儀加號尚父與此碑河東朔方節度文相

台又大歷年朔方節度自路嗣恭外嗣恭系長史副大使子儀系大都督節度

大使新書嗣恭朔方留後是也無人故知卽子儀碑又云貞元五年陳許

節度使曲公富貴還鄉按舊唐紀貞元二年七月己酉隴

右行營節度使曲環爲陳許節度使十五年八月丙申陳

許節度使曲環卒此曲公卽曲環碑又云曲公以上將營

護陝伯姚公以日俸備供按舊唐紀貞元八年二月辛巳

同州刺史姚南仲爲陝虢觀察使禪師以貞元九年示寂

故姚南仲得以供辦其喪

十三年四月南仲始自陝城還義成

安邑縣志唐

陳許節度使晉昌郡王曲環舊居在報國寺北故名其里

曰寺北曲氏至今猶爲邑中大姓族人別居者曰大曲小

曲今寺移村內舊寺廢爲僧田又報國寺在寺北曲內有

泛舟禪師塔師邠王守禮也按此語大誤碑明言禪師叔

祖元宗祖邠王或志偶落一孫字碑文雄麗整鍊眞唐文

之勁至禪師以親王孫而爲僧亦沿唐時習尚按唐代有

以公主入道者

玉眞之類

有以大臣弟兄爲僧者

開元尚書右丞張紹貞之

弟不一而足時崇異端故爾又邠王守禮子廣武王承宏

以吐蕃入京立爲帝放死禪師承宏子行其以畏禍而遁

於佛歟通志撰文者爲虞鄉縣令袁允今虞鄉縣志無其

人得碑可補其志職官之闕碑見寰宇訪碑錄通志金石

記

裴度等承天題記

摩崖刻石文左行凡四段字大寸許就拓本量之廣一丈
高二尺九寸記文十四行行二十字至入字不等題名裴
度名題兩行自盧憚至通事舍人又行題兩名共
四十五行行三十二字至九字不等今在平定州

有唐長慶元年秋七月趙人亂其帥弘正為下所弑

我公奉 詔率諸侯之師問罪冬十月師次於承天□□□
十有二月入貴泉二□□□□□□□□□□明吾栗

天子下哀痛詔□□

□庭湊為帥以息人也是月

班師晉陽

命書記元輿錄其從行府□□□將校凡五十九人列於承
天軍城西石壁

有舅有弟自他府來有二子從行咸附列於後廿一□癸未

□元輿題

前試左金吾衛胄曹叅軍崔溱

昭義軍節度巡官試□衛兵曹叅軍裴庠

河南府法曹叅軍裴誦

京兆府□□尉裴謨

五十九人題名

鎮州四面行營都招討河東節度觀察處置押北山諸蕃
等使太原尹北都留守司空兼門下侍郎平章事晉國公
裴度

宣慰使內常侍趙弘亮

監軍判官內府令楊國進

觀察判官檢校庫部員外郎兼侍御史郭行餘

節度判官檢校都官員外郎兼侍御史崔競

留守判官侍御史內供奉張君卿

觀察□使監察御史裏行盧鈞

觀察推官攝監察御史李懷

節度軍書記試秘書省校書郎舒元興

節度推官試大理評事李善

左都押牙行營馬步都虞候□□兵馬使兼殿中侍御史

張□

右都押牙中軍兵馬使□□兵馬使兼殿中侍御史□□

都招討押牙防城兵馬使右驍□將軍兼□□大夫吳乃

先鋒都知兵馬使汾州刺史兼御史中丞□承達

次軍都知兵馬使儀州刺史兼御史中丞李昌元

右押牙兼承天軍都□□□殿中侍御史趙□□

右武略軍使兼監察御史李季元

押牙兼左中軍使試殿中監白良

左押牙言軍使檢校太子賓客靳

左押牙後軍左廂軍使檢校太子詹事公旰

右押牙鼓角軍使檢校太子詹事彭升向

左押牙檢校太子賓客盧憚

右押牙試殿中監柴勸

右押牙檢校太子賓客彭希□

前軍兵馬使兼御史中丞李忠義

右軍兵馬使兼殿中侍御史李興

右軍兵馬使□太子詹事安義節

後軍兵馬使兼□□御史馬公鑑

□□□□兵馬使檢校太子賓客劉□□

中軍左廂馬軍兵馬使檢校□書□□雲漬

前軍右廂兵馬使殿中侍御史丁士畏

前軍左廂兵馬使檢校太子賓客袁承林

後□軍兵馬使試太子賓客徐論

衙前兵馬使檢校太子賓客馬瑗

右軍右廂軍使兼殿中侍御史李仲昇

左軍左廂步軍使兼監察御史□政□

右武略軍使兼監察御史張令□

征馬使試殿中監張□□

車營軍使檢校太子賓客王銓

中軍馬軍左廂軍使試殿中監張自各

前軍步軍左廂軍使試太子賓客張聿

後軍左廂軍使試太子賓客獨孤賓

左軍左廂步軍使試殿中監王□

右軍右廂步軍使試殿中監□懷政

衙前左廂馬使試太子賓客□言□

□□右廂虞候試太子詹事郭克□

馬軍左虞候試太子詹事金有

馬軍右虞候試光祿卿崔中

步軍左虞候兼監御史張□

馬軍右虞候試太子賓客□□□

□□使試太子通事舍人□□

兵馬使試殿中監石翥

□□行營都知兵馬使南押牙檢校太子賓客康志□

□□行營都知兵馬使兼押牙御史中丞孟志恭

□東□行營步軍都知兵馬使兼押牙殿中侍御史李昂

□□行營馬軍都知兵馬使□監□御史□□

□□都知兵馬使殿中監□□□□

□□都知兵馬使殿中□□秘書監丁□夔

□□□□□□□□□□□□

校碑前刻舒元與題後刻崔滌裴庾等四人題名又刻五
十九人題名裴度結銜爲鎮州四面都招討河東節度觀
察處置押北山蕃落等使太原尹北都留守司空兼門下
侍郎平章事晉國公校舊唐書本紀度以元和十四年四

月丙子檢校左僕射兼門下侍郎同平章事河東節度使
元和十五年九月戊午自河東節度使檢校尚書左僕射
兼門下侍郎同平章事太原尹北都留守晉國公加守司
空門下侍郎同平章事長慶元年八月乙丑充幽鎮兩道
招撫使十月甲子充鎮州四面行營招討使元稹文有授
度招撫使制又舊傳俄兼押北山諸蕃落使皆與碑題銜
合唐使相多不兼門下中書侍郎度兼門下侍郎與真相
無異此優典也其下結銜人名之可知者郭行餘盧鈞舒
元與均有傳新傳行餘元和時進士河陽烏重胤表掌書
記擢累京兆少尹不言爲度河東觀察判官盧鈞舉進士
中第以拔萃補秘書正字從李絳爲山南推官調長安尉
又從裴度爲太原觀察支使與碑合舒元與元和中舉進

士俄擢高第調鄆尉有能名裴度表掌興元書記文檄豪

健一時推許拜監察御史不言爲度河東掌書記

長慶三年八月

癸卯度爲興元尹山南西道節度使在初鎮河東後

舊書行餘登進士太和初累官

楚州刺史元興元和八年進士釋褐諸府從事太和初入

朝爲監察皆不言歷裴度河東幕此刻行餘元興歷官皆

可補史闕碑前題云長慶元年秋七月趙人亂其帥宏正

爲下所弑我公奉詔云云與金石錄補載此刻文皆合其

云我公奉詔者卽元稹文討鎮州德音通鑑長慶元年十

月丁丑裴度自將兵出承天軍故關以討王庭湊胡注宋

以承天軍爲寨屬平定縣故關卽孃子關宋白曰承天軍

太原東鄙土門路所衝其云十二月天子下哀痛詔命庭

湊爲帥以息人穆宗有敕鎮州德音云爲追念而興師爲

軫憂而捨罪所謂哀痛之詔也德音又云宏正盡忠先朝
家受屠戮爲之元首能不痛心又有授王庭湊成德節度
文新舊書通鑑長慶二年二月甲子王庭湊爲成德節度
使碑云是月班師晉陽謂授庭湊節度之月卽二月舊傳
元稹請上罷兵洗雪庭湊克融解深州之圍蓋欲罷度兵
柄故也諸書是月丁亥度爲司空東都留守此刻癸未在
丁亥前故仍書河東又碑題云有舅有弟自他府來有二
子從行咸附列於後而後列崔湊裴庾裴詡裴謨四人承
天訪古詩注舅崔湊弟裴庾新唐書世系表度子七人謨
詡諡調識誠讓謨字宜業翰林學士工部侍郎見表詡爲
郎官見石柱題名爲太僕卿見東觀奏記

上不像合太僕卿裴詡宣索藥

又按新舊傳穆宗卽位度檢校司空以新表舊紀穆宗文

加裴度司空制考之皆作守司空與此碑合校碑見古林金石表金石錄補承天訪古詩通志金石記此刻所列河東幕職官名詳見唐會要而軍官如押牙兵馬使軍使虞候之屬則惟此題名爲詳洵考晉故者所必當知也又長慶元集有御史中丞儀州刺史李昌元加兼御史大夫制此刻中丞儀刺則在未加大夫前季元李光進子見李光進碑盧惲見宰相世系表盧氏大房校軍使等官分中左右前後五軍軍又分左右廂有不備者每廂又有馬軍步軍使名色亦不盡備而先鋒次軍左右武略軍車營軍衙前行營並各分職名亦云繁矣宋人修唐書在削方鎮權後已久於唐節度軍內所屬牙校職名及所分軍廂之制多不措意故言之不詳然則唐碑視此者固皆足資考鏡

也

紀彌勒菩薩上生變讚

碑高四尺四寸廣二尺一寸上象中記下人名
十九行行字不一字徑五分正書今在鳳臺縣

南□□氏如來□□等□□願與含識速奉□□

象左旁

□□□力如來應□□□□□□□□□□□□

象右旁

紀彌勒菩薩上生變讚 并序

夫立教之來本乎利物利物之道無越上生斯乃載關重昏
資於惠日愛河浩淼必藉慈航由是顯報化於中天示真乘
於不退託外相以垂範現受職以崇嚴然則大寶花玉十八
圓滿袞法畧量端拱淨都豈以知足化儀云居補處近映下
品遠繼能仁故如香海泐澄星羅寶剎珍臺四合珠樹七重
毗盧法主光宅塵區矧以兜率淨居方其勝劣式報式化忖我

慈尊良為見海宏深我山巉峯并蛙淺識詎知溟渤之波醞
翫奔蜂[○]可聞於化大但以至仁利物應化無常末尼隨色
以揚輝天鼓遂宜而發響不思議內盍述于茲妄有釋子高
僧法諱紫羽素門之領袖也愜懷夕陽知有所歸凡厥施為
顛親慈氏庶幾靡及自寫真儀指日誓心託佛興顛然有邑
戶弟子等並抱信為懷真能振古遂選前事於毫端鐫上生
於筆下幾率隨之壯麗候尔移來梅怛利之慈尊居然貝葉
將恐人訛代易容變復遷聊以□□□□翠[○]詞曰

上越參羅第四天 三柅道滿寶難宣 補□慈尊光□□

誰蒙□聖□三千 寶樹常能說妙然 八功池內鎖門

蓮 鉢網玲瓏嚴寶柱 無住覓奏□諸天 盈盈玉女凭

珠檻 兩兩玉童弄綠波 報□□不隨器變 修因六行

更無過

唐寶曆二年景午歲姑洗之月廿日 侯政書

上生邑弟子北孔亭村□□高言下層

主石寶 趙榮母親氏張宗張榮□國玆□

崔榮王海 郭清 姜平 李秀誠

烏澗村都秀 李如願 侯義 侯恭

郭端 李華 漳東□村進□

霍□村衛海 王道 王国 張少陽 張萬

胡屬村高儀 郭廷金 王山 □榮

李惟政 張嘉禾 党進興 張少□

長陰村張翼 劉惠賢母王氏

王幹妻段氏 陳惠 焦□亮

金村金如玕 金藏元 金惟亮 焦開

李冬榮 毛君慶 毛造 毛寬 毛□

趙進 金□ 焦謙 崔仲容 祁士忠

畝□村偉仁仙 祁□岌 汪桀忠母嚴氏

□厯村馮循福 馮恩 汪□ 李□

全□村 韓管材 王海 李公亮

祁□ □誠 王伊□ 管承□

金藏用 劉□□ 翟□□ □□□

劉桂 劉□ 寇禮祥 □□ □□

張文政 魏鰭 王□晟 趙萬朝

女弟子清□□ 清□智 清□ 蓮生

常歡賣菩提恩淨茂□蓮花

女弟子媛□□□張□□□□□□□

此彌勒菩薩上生變讚侯政正書三截上象中記下人名
鳳臺縣志沙門紫羽撰書文用駢體後書寶歷二年姑洗
之月二十日鄉土侯政書文字俱古雅可愛今校文頌沙
門紫羽造象功德未必紫羽自撰侯政書三字上止有十
格釋爲鄉士亦未瑯寶歷爲唐敬宗改元北孔亭村烏澗
村胡屬村長陰村金村皆唐時村名可爲談晉故者之助

山右石刻叢編卷八